

Na osnovu člana 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.), Gradsko vijeće Tuzla, na sjednici održanoj 29. 01. 2021. godine, donosi

O D L U K U
o dopuni Poslovnika Gradskog vijeća Tuzla

Član 1.

Iza člana 81.e. Poslovnika Gradskog vijeća Tuzla (Službeni glasnik Grada Tuzla“, broj 09/17., 2/18., 8/19., 3/20. i 7/20.) dodaje se novi član 81.f. koji glasi:

"Član 81.f."

"Za vrijeme trajanja prirodne ili druge nesreće ili nastupanja okolnosti, koje ugrožavaju javno zdravlje stanovništva (pandemija, epidemija i slično) ili drugih okolnosti, ukoliko se sjednica Gradskog vijeća održava u sali, vijećnicima koji su pozitivni na COVID-19 ili im je određena obavezna izolacija ili se nalaze u samoizolaciji ili se nalaze na bolničkom ili kućnom liječenju, omogućit će se da sjednici prisustvuju uz korištenje odgovarajućih informaciono-komunikacionih sistema."

Član 2.

Ova Odluka stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADSKO VIJEĆE
Broj:01-04-A-1303-2021
Tuzla, 29. 01. 2021

PREDSJEDAVAJUĆI

Nataša Perić, prof.

Obrazloženje:

Pravni osnov za donošenje Odluke o dopuni Poslovnika Gradskog vijeća Tuzla („Službeni glasnik Grada Tuzla“, broj 09/17., 2/18., 8/19., 3/20. i 7/20.) su član 13. stav 2. alineja 17. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06. i 51/09.), člana 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, broj 1/14., 3/15., 7/15. i 12/15.).

Odredbom člana 13. stav 2. alineja 17. Zakona o principima lokalne samouprave u Federaciji Bosne i Hercegovine, propisano je da Vijeće u okviru svojih nadležnosti između ostalog:
„-donosi svoj poslovnik o radu;”.

Odredbom člana, 6. stav 1. alineja 17. Statutarne odluke o organizaciji Grada Tuzla u skladu sa Zakonom o Gradu Tuzla, propisano je da Gradsko vijeće u okviru svojih nadležnosti između ostalog:
„-donosi svoj poslovnik o radu;”.

Razlozi za donošenje Odluke:

Na sjednici Kolegija Gradskog vijeća Tuzla, održanoj dana 21.01.2021. godine usvojen je Zaključak broj 01/04-A-791-2021/1 kojim se od Stručne službe Gradskog vijeća traži da do vanredne sjednice Kolegija Gradskog vijeća koja će se održati dana 29.01.2021. godine, neposredno pred početak druge redovne sjednice Gradskog vijeća Tuzla, pripremi izmjene Poslovnika Gradskog vijeća Tuzla na način da se, za vrijeme trajanja prirodne ili druge nesreće ili nastupanja okolnosti, koje ugrožavaju javno zdravlje stanovništva (pandemija, epidemija i slično) ili drugih okolnosti, ukoliko se sjednica Gradskog vijeća održava u sali, vijećnicima koji su pozitivni na COVID-19 ili im je određena obavezna izolacija ili se nalaze u samoizolaciji ili se nalaze na bolničkom ili kućnom liječenju, omogući da sjednici prisustvuju uz korištenje odgovarajućih informaciono-komunikacionih sistema.

S tim u vezi, Stručna služba Gradskog vijeća pristupila je izmjeni Poslovnika Gradskog vijeća gdje je iza člana 81.e., dodan novi član 81.f. koji sadržava navedenu odredbu.

Pojašnjenje pojedinih odredbi Odluke:

Članom 1. omogućeno je vijećnicima koji su pozitivni na COVID-19 ili im je određena izolacija/hospitalizacija ili se nalaze u samoizolaciji ili na kućnom liječenju, da prisustvuju sjednicama Gradskog vijeća Tuzla uz korištenje odgovarajućih informaciono-komunikacionih sistema.

Članom 2. definisano je stupanje na snagu Odluke o dopuni Poslovnika Gradskog vijeća Tuzla.

OBRADIVAČ

Stručna služba Gradskog vijeća